



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1719. usque ad annum 1720

Fleury, Claude

August. Vind. [u.a.], 1782

VD18 13322648

§. 36. Mediobarbus Patriarcha, & Legatus Apostolicus tandem Peckinum venire permissus.

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

gabat Legatus, se ea tamen, quæ religioni Christianæ non adversantur, Sæc. XVIII.
A. C. 1720.
 permittere posse. si ergo sua Majestas Pontificias literas legere renuerit, saltem designaret quosdam, qui ejus nomine illas coram pluribus Interpretibus ac præcipue præsentibus Pedrinio & Ripa prælegant: Hos duos autem, eoquod Imperatorem graviter offendissent, mox excludi petiit Jesuita præfatus, nec ultra etiam institit Legatus.

§. XXXVI.

*Mediobarbus Patriarcha & Legatus
 Apostolicus tandem Peckinum
 venire permissus.*

Die vigesima octava Decembris *Mediobarbus* Visitator ac Legatus *Viani. l. c. pag. 60.*
 Apostolicus Imperatoris edicto ad Aulam accerseretur, qui illico unacum P. Pereira, ceterisque suis Missionariis profectus, ad magnum Bonziorum Conventum deducebatur, ubi *Chao Chan* Mandarinus, qui adventantem Legatum unacum Patre Fan ibidem præstolabatur, eidem significabat, nondum venisse tempus, ut Imperatoris conspectum subiret, sed ad aliam domum vicinam villæ, in qua Hic degeret, esset educendus, ut Mandarini eo commodius cum ipso conferre, & Imperatoris

Qq 2

Sæc. XVIII. toris nomine quædam eidem proponere
 A.C. 1720 possent. Paulopost præfati advenerant
 Mandarinum, qui Legato exponerent.
 I. Imperatorem ex ipsis Legati verbis
 conjicere, quod præter Constitutionem,
 qua Ritus Sinenses prohibentur, aliam
 quoque secum detulisset, in qua non
 nullæ eorundem rituum permissiones
 continerentur. II. Imperatori displicuit,
 quod Interpretum vices præter D. Ro-
 pam demandavit Pedrinio ingenii tro-
 tuosi, & turbidi Viro, ac insuper cum
 Maigroto, Appiano aliisque Impera-
 tori exosis conspiranti, inde vero sus-
 spicioni locum esse, quod ipsemet quo-
 que ejusdem cum ipsis foret sententia,
 consultius autem Papa fecisset, si Le-
 gati munus non Ecclesiastico, quos
Petrinos vocant, sed pluribus diviti-
 Ordinis SS. Francisci, Dominici, Au-
 gustini, vel Jesuitis detulisset, timen-
 dum enim, ne hic Legatus utpote ejus-
 dem conditionis, & Status partium
 studio abreptus, horum Petrinorum
 erroribus faveret. III. Pedrinum multa
 scelera non sine Religionis dedecore
 patrasset, mortisque poenam sæpius fuisse
 promeritum, sola tamen Imperatoris
 clementia mortem evasisse. IV. Maig-
 rotum omnium turbarum existisse in-
 centorem, nisi ergo hi tumultus com-
 ponerentur, Imperatorem petere, ut
 Maig-

Maigrotus aut Sinas capite plectendus Sæc. XVIII.
 deduceretur, aut ipsemet Papa ipsum A. C. 1720.
 Romæ tanquam hominem seditiosum,
 turbidum, rudem & Sinensis idiomatis
 ignarum, qualem se esse ipsemet coram
 Imperatore fassus esset, severe castiga-
 ret. Hos quatuor articulos Pater Fan,
 quem Mandarinum velut Interpretem se-
 cum adduxerant, in linguam latinam
 vertebat, ad hæc vero Legatus respon-
 dit. I. Sibi a Papa nonnisi unicum
 Breve fuisse traditum, II. Se non so-
 lum petiisse Pedrinum, sed plures al-
 ios Interpretes, seque nulli homini, sed
 soli religioni Christianæ, & summo
 Pontifici, a quo ad sedandas, non susci-
 tandas turbas missus esset, adhærere; non-
 nisi quidem unicam & veram religionem
 Christianam esse varios autem Ordines
 Religiosos dari, hos autem unius arbo-
 ris ramos, uniusque Patris Filios æ-
 quali amore dilectos esse. III. Sibi
 non constare de delictis a Pedrinio com-
 missis, de data eidem venia se Impe-
 ratori grates rependere. IV. Maigro-
 tum ad Pontificis decisionem nullatenus
 concurrisse, sed ipsum Papam re-
 mature perpensa, & ad Religionis Chri-
 stianæ limam vocata, necnon utraque
 parte sæpius audita definiisse, quos-
 dam ritus esse supersticiosos; interro-
 gantibus autem Mandarinis, quænam

Du Halde
l. c. p. 155
S. 283.

Qq 3

Im-

Sæc. XVIII. Imperatori accepta grataque in Pontificiis continerentur literis? reposuit
A.C. 1720
 Legatus, se exactam eorum omnium, quæ ibidem continerentur, memoriam non habere, se tamen sperare, Imperatorem allatis rationibus eo permotum iri, ut Papæ precibus annueret. Instabant vero Mandarinum, ut Legatus saltem ea, quorum recordaretur, afferret, quibus ab eo recensitis Chinæ Mandarinus asseruit, se esse religionis Christianæ & ipsimet Legato propensissimum, quocirca, quæ Imperatoris voluntati consona forent, responderet, secus Legationi infaustum imminere exitum. His addebant alii Mandarinum, vix verosimile esse, eum mere tanquam Pontificiæ Epistolæ bajulum fuisse Sinas missum, si vero Legatus esset, abs dubio fore munitum ampla facultate permittendi ea, quibus Imperatori iustitiam fieri posset. Ad hæc respondit Legatus; *sum equidem Papæ Legatus, nec tamen mandatæ facultatis limites transgredi, mihi est concessum, in omnibus vero quantum licebit, Imperatoris gratiam de mereri studebo: vix hæc Legatus protulerat, cum illico Mandarinum quærent, quænam illa essent, quibus se Imperatoris gratia dignum reddere intendere? reposuit Legatus, ad reddendam pacem & concordiam, quidquid salva con-*
sci-

scientia, & sine Dei offensa potero, con- Sæc. XVIII.
feram, & permittenda permittam: an vero, A. C. 1720.
 ea, regerebant Mandarinum, quæ permit-
 tere nequit, ad Papam rescribere, pa-
 ratus sit, respondente Legato, se quid-
 quid facere & scribere poterit, scriptu-
 rum, facturumque, reposuit Pater Fan
 Interpres, ergo omne id, quod facere
 poteris, facies, & quod non poteris,
 scribes, respondit Legatus: quod non
 potero facere, scribere autem potero,
 id scribam: hoc Legati responso non
 contentus Interpres regessit, quid ergo
 moratur, quin scribas? multa sunt,
 objecit Legatus, quæ scribere licet, si
 duntaxat de Constitutionis sensu agi-
 tur, multa tamen sunt, quæ scribere
 non licet, eo quod jam sunt decisa, ac
 propterea dixi, me facturum & scriptu-
 rum, quæ facere, & scribere potero,
 & si mea facultas ad alia se non exten-
 dit, desuper ad Papam fideli calamo
 perscribam.

§. XXXVII.

Legatus Apostolicus summarium Epi-
stolæ Pontificiæ scriptotenus tra-
dere iussus.

Hac Legati declaratione Mandarinum
 videbantur esse contenti, atque in-
 ter eos Chao se Europæorum & Re-
 ligio-

Qq 4

ligio-